

四庫全書

史部

欽定四庫全書

史部
河南通志卷四十一

詳校官監察御史臣莫瞻菴

檢討臣德生覆勘

總校官編修臣王燕緒

校對官助教臣蔡鎮

謄錄監生臣孫承基

欽定四庫全書

河南通志卷四十一

倉庾

自古牧民之道莫大於蓄積多而備先具故雖有水旱疾疫而民不傷漢之常平隋之義倉朱子社倉法俱用糶賤糴貴推陳易新使民無匱食之憂而國有先時之蓄法至美也惟奉行不善或踈於稽核而胥吏有中飽之虞或怠於蓋藏而粟米有

紅朽之患或挪移支用致耗散而積貯漸以無餘
或謹守莞鑰徒囤藏而實惠不能及下其弊易滋
其蠹甚大我

皇上惠養元元加意釐剔

特飭所在有司增建倉廩燥濕有備恤民至矣雖然倉
庾者器也而有用其器者神而明之存乎其人必
斂散以時蓄積有法毋至侵漁以自肥毋徒株守
以滋腐司牧者其念之哉志倉庾

通省倉廩共七千三百四十三間

內貯穀倉七千一百二十七間

餘倉共二百一十六間

盤量備用

開封府屬常平等倉共一千一十間

內貯穀倉九百七十八間

餘倉三十二間

開封府常平倉二十六間

內貯穀倉二十五間

餘倉一間

祥符縣常平義社等倉一百一十九間

內貯穀倉一百一十六間

餘倉三間

陳留縣常平義漕等倉八十三間

內貯穀倉八十一間

餘倉二間

杞縣永豐預備二倉共一百一十五間

內貯穀倉一百一十二間

餘倉三間

通許縣常平義社等倉七十四間

內貯穀倉七十一間

餘倉三間

太康縣常平義漕等倉七十八間

內貯穀倉七十六間

餘倉二間

尉氏縣常平義漕等倉五十三間

內貯穀倉五十一間

餘倉二間

涇川縣常平義漕等倉一十五間

內貯穀倉一十三間

餘倉二間

鄆陵縣大有富有等倉五十二間

內貯穀倉五十間

餘倉二間

扶溝縣常平義漕等倉五十九間

內貯穀倉五十七間

餘倉二間

中牟縣常平義漕等倉七十六間

內貯穀七十四間

餘倉二間

陽武縣常平義漕等倉九十五間

內貯穀倉九十二間

餘倉三間

封邱縣常平義漕等倉七十七間

內貯穀倉七十四間

餘倉三間

蘭陽縣常平義漕等倉五十二間

內貯穀倉五十一間

餘倉一間

儀封縣常平義漕等倉三十七間

內貯穀倉三十六間

餘倉一間

歸德府屬常平等倉共四百七十四間

內貯穀倉共四百六十間

餘倉共十四間

歸德府常平倉十九間

內貯穀倉十八間

餘倉一間

商邱縣常平義社等倉三十三間

內貯穀倉三十二間

餘倉一間

寧陵縣常平義社等倉三十一間

內貯穀倉三十間

餘倉一間

永城縣常平義漕等倉八十七間

內貯穀倉八十四間

餘倉三間

鹿邑縣常平義社等倉六十二間

內貯穀倉六十間

餘倉二間

虞城縣常平義社等倉三十七間

內貯穀倉三十六間

餘倉一間

夏邑縣常平義社漕等倉五十三間

內貯穀倉五十二間

餘倉一間

睢州常平義社漕等倉六十七間

內貯穀倉六十五間

餘倉二間

考城縣常平義社等倉四十一間

內貯穀倉四十間

餘倉一間

柘城縣常平義社等倉四十四間

內貯穀倉四十三間

餘倉一間

彰德府屬常平等倉共五百五十三間

內貯穀倉共五百三十二間

餘倉共二十一間

彰德府常平倉六十二間

內貯穀倉五十九間

餘倉三間

安陽縣常平義漕等倉七十八間

內貯穀倉七十五間

餘倉三間

湯陰縣常平義社漕等倉七十一間

內貯穀倉六十八間

餘倉三間

臨漳縣常平義社漕等倉八十間

內貯穀倉七十七間

餘倉三間

林縣常平義社漕等倉七十二間

內貯穀倉六十九間

餘倉三間

武安縣常平義社漕等倉八十一間

內貯穀倉七十八間

餘倉三間

涉縣常平義社漕等倉六十二間

內貯穀倉六十間

餘倉二間

內黃縣常平社等倉四十七間

內貯穀倉四十六間

餘倉一間

衛輝府屬常平等倉共八百三十六間

內貯穀倉共八百一十間

餘倉共二十六間

衛輝府常平漕等倉七十四間

內貯穀倉七十一間

餘倉三間

汲縣常平義社漕等倉一百二十五間

內貯穀倉一百二十二間

餘倉三間

新鄉縣常平義社漕等倉一百二十七間

內貯穀倉一百二十四間

餘倉三間

輝縣常平義社漕等倉九十九間

內貯穀倉九十六間

餘倉三間

獲嘉縣常平義社漕等倉一百一十間

內貯穀倉一百七間

餘倉三間

淇縣常平義社漕等倉六十六間

內貯穀倉六十三間

餘倉三間

延津縣收并胙城縣常平義社漕等倉一百一十

四間

內貯穀倉一百一十一間

餘倉三間

滑縣常平社漕等倉六十一間

內貯穀倉五十八間

餘倉三間

濠縣常平社等倉六十間

內貯穀倉五十八間

餘倉二間

懷慶府屬常平等倉共七百一十間

內貯穀倉共六百七十八間

餘倉共二十三間

懷慶府常平倉七十一間

內貯穀倉六十八間

餘倉三間

河內縣常平義社漕等倉一百二間

內貯穀倉九十九間

餘倉三間

濟源縣常平義社漕等倉一百二間

內貯穀倉九十九間

餘倉三間

修武縣常平義社漕等倉八十三間

內貯穀倉八十間

餘倉三間

武陟縣常平義社漕等倉一百三十八間

內貯穀倉一百三十五間

餘倉三間

孟縣常平義社漕等倉七十五間

內貯穀倉七十二間

餘倉三間

溫縣常平義社漕等倉七十七間

內貯穀倉七十四間

餘倉三間

原武縣常平義社漕等倉五十三間

內貯穀倉五十一間

餘倉二間

河南府屬常平等倉共九百四十六間

內貯穀倉共九百二十四間

餘倉共二十二間

河南府常平漕等倉四百二十一間

內貯穀倉四百一十八間

餘倉三間

洛陽縣常平義社等倉四十間

內貯穀倉三十九間

餘倉一間

偃師縣常平義社漕等倉七十三間

內貯穀倉七十間

餘倉三間

鞏縣常平義社漕等倉五十三間

內貯穀倉五十間

餘倉三間

孟津縣常平義漕等倉二十九間

內貯穀倉二十八間

餘倉一間

宜陽縣常平義社漕等倉三十五間

內貯穀倉三十四間

餘倉一間

登封縣常平義漕等倉四十間

內貯穀倉三十九間

餘倉一間

永寧縣常平義漕等倉三十二間

內貯穀倉三十間

餘倉二間

新安縣常平義漕等倉四十三間

內貯穀倉四十二間

餘倉一間

澠池縣常平義社漕等倉九十四間

內貯穀倉九十一間

餘倉三間

嵩縣常平義社漕等倉五十二間

內貯穀倉五十間

餘倉二間

盧氏縣常平義等倉三十四間

內貯穀倉三十三間

餘倉一間

南陽府屬常平等倉共五百九十六間

內貯穀倉共五百八十三間

餘倉共十三間

南陽府常平倉二十間

內貯穀倉十九間

餘倉一間

南陽縣常平義社等倉四十七間

內貯穀倉四十六間

餘倉一間

唐縣常平義社等倉三十七間

內貯穀倉三十六間

餘倉一間

泌陽縣常平義社等倉三十八間

內貯穀倉三十七間

餘倉一間

鎮平縣常平義社等倉四十七間

內貯穀倉四十六間

餘倉一間

桐柘縣常平義等倉四十五間

內貯穀倉四十四間

餘倉一間

鄧州常平義社等倉五十三間

內貯穀倉五十一間

餘倉二間

內鄉縣常平義等倉四十七間

內貯穀倉四十六間

餘倉一間

新野縣常平義社等倉四十五間

內貯穀倉四十四間

餘倉一間

浙川縣常平義等倉三十四間

內貯穀倉三十三間

餘倉一間

裕州常平義等倉八十九間

俱係貯穀

舞陽縣常平義等倉四十六間

內貯穀倉四十五間

餘倉一間

葉縣常平義等倉四十八間

內貯穀倉四十七間

餘倉一間

汝寧府屬常平等倉共四百四十六間

內貯穀倉共四百三十五間

餘倉共十一間

汝寧府穀分貯 汝陽 上蔡

正陽 新蔡 西平 五縣倉

內

汝陽縣常平義社漕等倉五十六間

內貯穀倉五十四間

餘倉二間

上蔡縣常平義社漕等倉六十一間

內貯穀倉五十九間

餘倉二間

確山縣常平義漕等倉二十七間

內貯穀倉二十六間

餘倉一間

正陽縣常平義社漕等倉四十六間

內貯穀倉四十五間

餘倉一間

新蒸縣常平義社漕等倉四十五間

內貯穀倉四十四間

餘倉一間

西平縣常平義社漕等倉八十八間

內貯穀倉八十七間

餘倉一間

遂平縣常平義社漕等倉五十一間

內貯穀倉五十間

餘倉一間

信陽州常平義漕等倉三十八間

內貯穀倉三十七間

餘倉一間

羅山縣常平義社漕等倉三十四間

內貯穀倉三十三間

餘倉一間

汝州屬常平等倉共一百九十五間

內貯穀倉共一百八十八間

餘倉共七間

汝州常平義社等倉六十七間

內貯穀倉六十五間

餘倉二間

魯山縣常平義社等倉三十二間

內貯穀倉三十一間

餘倉一間

邾縣常平義社等倉四十四間

內貯穀倉四十二間

餘倉二間

寶豐縣常平義社等倉二十六間

內貯穀倉二十五間

餘倉一間

伊陽縣常平義社等倉二十六間

內貯穀倉二十五間

餘倉一間

陳州屬常平等倉共三百四十五間

內貯穀倉共三百三十五間

餘倉共十間

陳州常平義漕等倉一百三十四間

內貯穀倉一百三十一間

餘倉三間

西華縣常平義漕等倉五十一間

內貯穀倉四十九間

餘倉二間

商水縣常平義漕等倉三十七間

內貯穀倉三十六間

餘倉一間

項城縣常平義社漕等倉五十九間

內貯穀倉五十七間

餘倉二間

沈邱縣常平義漕等倉六十四間

內貯穀倉六十二間

餘倉二間

許州屬常平等倉共二百九十五間

內貯穀倉共二百八十六間

餘倉共九間

許州常平義社漕等倉七十八間

內貯穀倉七十六間

餘倉二間

臨潁縣常平義社漕等倉七十七間

內貯穀倉七十五間

餘倉二間

襄城縣常平義社漕等倉四十四間

內貯穀倉四十二間

餘倉二間

鄧城縣常平義社漕等倉五十三間

內貯穀倉五十一間

餘倉二間

長葛縣常平義漕等倉四十三間

內貯穀倉四十二間

餘倉一間

禹州屬常平等倉共一百四十四間

內貯穀倉共一百三十九間

餘倉共五間

禹州常平義社漕等倉五十一間

內貯穀倉四十九間

餘倉二間

密縣常平義漕等倉四十七間

內貯穀倉四十六間

餘倉一間

新鄭縣常平義社漕等倉四十六間

內貯穀倉四十四間

餘倉二間

鄭州屬常平等倉共二百四十七間

內貯穀倉共二百三十九間

餘倉共八間

鄭州常平義漕等倉六十二間

內貯穀倉六十間

餘倉二間

榮澤縣常平義社漕等倉三十二間

內貯穀倉三十一間

餘倉一間

榮陽縣常平義社漕等倉四十七間

內貯穀倉四十六間

餘倉一間

河陰縣常平義漕等倉三十一間

內貯穀倉三十間

餘倉一間

汜水縣常平義社漕等倉七十五間

內貯穀倉七十二間

餘倉三間

陝州屬常平等倉共三百一十七間

內貯穀倉共三百一十一間

餘倉共六間

陝州常平義社漕等倉一百五十一間

內貯穀倉一百四十八間

餘倉三間

靈寶縣常平義社漕等倉八十一間

內貯穀倉七十八間

餘倉三間

閩鄉縣常平義社漕等倉八十五間

俱貯穀

光州屬常平等倉共二百三十七間

內貯穀倉共二百八十八間

餘倉共九間

光州常平義社漕等倉五十四間

內貯穀倉五十二間

餘倉二間

光山縣常平義社漕等倉四十間

內貯穀倉三十八間

餘倉二間

固始縣常平義社漕等倉三十六間

內貯穀倉三十四間

餘倉二間

息縣常平義社漕等倉三十九間

內貯穀倉三十八間

餘倉一間

商城縣常平義社漕等倉六十八間

內貯穀倉六十六間

餘倉二間

河南通志卷四十一

欽定四庫全書

河南通志卷四十二

學校上

記稱始立學者必釋奠於先聖先師予以取賢敏
才焉學校為儲才之地由來尚矣古之教者羣天
下之學士于庠序校之中春秋教以禮樂冬夏教
以詩書俾之所聞無異言所見無異行優而柔之
日化而不自知夫而後材全而德良行成而名尊

居則為良士出則為名臣風俗成而人材輩出由此道也我

聖祖仁皇帝崇儒重道文教誕敷復

御製訓飭士子文以摩厲而整齊之

皇上御極之二年增定諸賢從祀又

進封先師前五代皆王爵祠以崇聖典極隆矣至所以訓士者命直省學臣於試文外復別其行之優劣以示勸懲始

頌

聖諭訓令朔望以次宣講近復

頒經書性理於學宮又

命發帑金於各省會書院為士子講讀膏火之資

諭封疆大吏殫心奉行黜浮崇實將使天下學士蒸蒸
向風上擬隆古中州多士夫豈無修明理學宏裕經
綸足以接薪傳而翼文治者志學校

開封府

開封府儒學舊在府治東南隅元以宋國子監故

址建為汴梁路學明洪武三年改為開封府儒學
三十三年夏圮於水永樂五年徙於麗景門西北
即今所也內建大成殿殿之前列兩廡神庫戟門
泮池櫺星門東列庖舍牲房名賢祠射圃西列明
倫堂四齋尊經閣廩庾會饌堂後列官廨分置號
舍於左右

其規制各府州縣學大畧皆同或廟學
有左右前後不同者則各因地便耳

天順五年廟學又圮於水知府舒曠修葺成化十
六年知府張岫增置齋宿所及興賢毓秀二坊嘉

靖十年建明倫堂於學東建敬一亭於學北

各府州縣

學同明末寇亂河決士民殆無噍類而學宮亦遂淪於泥沙中惟大成殿巋然獨存無何又燬於火

皇清順治九年知府朱之瑤建大成殿七楹東西廡各七楹戟門三楹櫺星門三楹及泮池啟聖祠戟門外建名宦鄉賢祠東西各三楹東西暨牌樓二座西建儒學大門儀門各三楹明倫堂五楹東庫西廚各三楹東西齋房各五楹後建尊經閣東西耳

房各九楹康熙六年巡撫張自德重修十一年巡

撫郎廷相十三年巡撫王日藻先後增修二十三

年頒

御書萬世師表扁額奉懸大成殿

各府州縣學同

二十九年巡撫

門興邦題設樂舞生六十四人備樂器祭器禮部

議頒闕里儀制遵行

各府州縣學同

三十三年頒

御製

孔子贊四子贊勒碑學宮

各府州縣學同

四十九年奉

旨春秋二丁武職與祭

各府州縣學同

五十三年奉

旨以宋儒范仲淹從祀

各府州
縣學同

五十四年奉

旨遷東廡朱熹配享十哲之次

各府州
縣學同

雍正元年奉

旨學宮內建忠義孝弟祠

各府州
縣學同

二年奉

旨附饗廟庭諸賢宜復祀者六人林放蘧瑗秦冉顏何

鄭康成范甯宜增祀者二十人縣置牧皮樂正子

公都子萬章公孫丑諸葛亮尹焞魏了翁黃幹陳

淳何基王栢趙復金履祥許謙陳澔羅欽順蔡清

陸隴其宜入崇聖祀者一人張迪

各府州
縣學同

三年頒

加增祭品祭器樂器圖冊

各府州
縣學同頒

御書生民未有扁額奉懸大成殿

各府州
縣學同奉

旨自叔梁公以上至木金父公並追封王爵追封木金

父公為肇聖王祈父公為裕聖王防叔公為詒聖

王伯夏公為昌聖王叔梁公為啟聖王改啟聖祠

為崇聖祠

各府州
縣學同

于謙開封府學敬一亭碑記

夫子之道天之道
也天之道亘萬古

而不息夫子之道歷萬世而不敝刪述六經昭揭
宇宙日月之照臨也教化之澤洽於人心雨露之

霑被也所為生民以來所未有而三代以降君天下者未有不循此而能治者也國家列聖相承咸用此道內而京畿外而郡邑皆建立學廟以祀孔子以育才俊所以資化源而崇教本也開封為中州甲郡故有學廟歲久藥圯儀觀弗稱前郡守黃公瑾有志作新成工僅及一二而以休致去今郡守舒侯下車之初即以興斯文為己任遂極力為之方牧諸公咸捐俸資以助經費於是增卑而為崇闢隘而為廣飾陋而為華自禮殿講堂以及諸生肄業會食之所莫不畢備規制宏麗視昔有加郡博士黃宗謂此不可以無記因率諸生來請予言惟夫子之道如天朝廷作人之化亦如天諸士子生際盛時沐浴清化又有賢方牧郡守以作興之廟學之新文化之新也儀觀之盛士風之盛也聞係豈偶然耶為師弟子者朝於斯夕於斯絃誦於斯遊息於斯其亦知所本乎苟知所本則涵養

本原砥礪素行學必造根柢而弗專事乎語言文字之末異時出而致用得志則力行其道時與志違則求無愧於名節無愧於天地鬼神而後已若然則無負於聖人垂教之意無負於朝廷作養之化而亦無負於天矣其於郡守作興之心豈不重有光耶侯名瞳字仲曦浙江餘姚人以進士起家拜黃門郎被薦出守是邦是舉也足以知其善政云

皇清朱之瑤重建開封府儒學碑記

古者建國必立之學天子曰辟雍諸

侯曰泮宮後世之郡邑古五等國也豫於建侯稱中土焉開封為歷代帝都前朝以洎

聖代

於環豫稱省會焉泮宮非其所素有與當不佞之瑤

命出守此邦求所謂釋菜先師之堂而無復存俛就邑學告成焉蓋曩者寇氛水患此邦得禍尤烈稽

於往籍開封府學因元汴梁路學也元因宋國子
監也處郡治東南隅再徙麗景門西北其規制宏
壯方策侈之乃一旦與蟲沙魚鱉之生民銷沉不
返吾儕幸際

聖作

之朝學古右文加意菁莪樂育之治弗克推廣德
意以崇起黉舍聚處生徒而教且誨之其如居中
原列郡之弁冕何矧自歲壬午迄茲以貢士之院
則徙而河北以典學之司則徙而屬邑不聞啟荆
棘來持橐而校舍毫之雋踰一星紀矣此邦造字
之臺頡皇攸宅浚儀之吏釋聖攸逢實為萬世之
教儒術之祖豈當之瑤躬承其地而敢弗耀於光
明耶乃要領有三曰院貢舉曰署衡文曰建郡學
雖然二者有待待河工之議息城垣之議修然後
徼有餘力獲還諸大吏所都居與盛典所有事惟
建學則其首重矣於是上啟乎大中丞亢公洎藩
臬守巡監司諸公而通啟乎邦人之為鄉衮為故

老為子弟員遞捐月祿合乎邦之捐助有差瑤也
傾橐以赴因以倡諸僚屬咸起而和焉爰就河臺
方公所相吉壤經營是始坐坎向離昭文明也殿
東堂西就形勝也匠石奏能時日合吉居亡何而
大成有殿殿後為啟聖祠明倫有堂堂後為尊經
閣下為遊梁書院南則櫺星之門距半壁之池可
十武鄉賢名宦二祠在戟門前左右號舍在尊經
閣堂左右庫廚庖湑靡弗具各齋官廨在殿旁射
圃在殿迤東次第告成一遵盛時之制功垂竣會
學使者有八郡掄貢之試不佞瑤亟具牘往迎遂
辱惠臨會大中丞亦時至兩公皆玉堂瀛彥瑤敬
為邦人士額手慶曰一紀而後文明之脈煥然聿
興也嗣是典學有崇署比士有廣院春秋釋奠於
斯宮各復其始用無媿夫中土省會之號敬再為
邦人士額手祝曰學既具矣藏修游息有其區矣
務有以黼藻休隆風規朝野遠無慚於先賢上無

負乎

聖主爾邦人士勉乎哉臻而上焉以期乎復性衛道宗
遊梁亞聖之學而配觀河神禹之功業有大中丞
亢公之記言儼提耳而訓爾士矣工涓于甲午四
月某日訖于乙未年八月某日不佞應掌故生徒
之求泚筆而序述梗槩者如此錄大中丞而下姓
字籍里捐祿之目逮及僚屬同心此邦裾
衿耆舊欣助名氏詳勒碣後誌不忘焉

祥符縣儒學

在舊縣治西北明洪武間知縣胡聶
以雲老寺舊基創築圮于水永樂間

知縣王春重建天順間藩使章繪臬使宋欽副使
王齊弘治間知縣段鑑相繼修葺明末沒于水

皇清

順治間知縣孫如林改建新縣治西康熙六年知
縣聶琰改建舊縣治東南二十四年學道蔣伊增

修

明劉昌祥符縣儒學碑記

祥符即古浚儀縣國朝省開封縣入之其學宮

創始無考河南左布政使司廬陵李公正記是學云宋置都於此既設國子監則縣無緣更置學今學即雲老寺故址也洪武五年知縣胡聶創始規制粗備既而圯于水永樂四年知縣王春始修復之宣德十年教諭沈鱗求得鐘鼓樓餘材因大為理飾又闢道左右表以文林巍乎煥然士民聳觀暨天順五年蓋已二十有六稔腐蠹相繼比河決郡城遂蕩析無遺矣明年予以按察副使提學既至則有司已作禮殿講堂而廟廡齋舍漸以就緒而未甚宏偉余乃謀於二三寅恭克協惟同今按察副使安成王公齊首為之作饌堂於是庖湑庫庾悉還舊列左布政四明章公繪復即左右故道表以興賢育才而教諭陳正等且率士民之好義者作二門其在禮殿之前者曰櫺星門在講堂之

制者曰禮門又表其出入所必由曰義路櫛星之
南地廣二百步嘗為汴渠所經渠雖湮而積水如
故人頗病涉而王公為作石梁於上稍南臨通衢
又作飛樓適觀兵商洛不果今按察副使闈中家
公欽甫蒞任即詣學周覽咨詢曰我不可不任
功曾未幾時竟登于成所謂魏乎煥然士民聳觀
者益有加於昔諸生相率請予記夫求道必以學
學必有師孔子萬世之師也人所以靈承向慕者
宜無所不用其心況學宮乎況浚儀為中州之首
邑乎孔子過儀儀封人云天將以夫子為木鐸晉
地道記曰儀封人見孔子即此浚儀蓋在當時其
邑人已知景承向慕如此况我列聖繼作尊崇孔
子繪詳學制諸生之所共濡而目擊者又生長中
州風俗素厚之地惟勤於誦習而務端其本誠如
諸生之景承向慕而待之堅馬則於道也不
樂矣乎皆應曰諾遂書以授之俾刻為記

陳留縣儒學

舊在縣治東始建未詳元季兵燹明洪武三年知縣顧執中增建十三年

知縣王鏞以地湫隘徙建街北天順弘治正德間知縣鄭璋張達傳桂嘉靖三十三年知縣朱文相

皇清順治七年守道辛炳翰知縣楊士恒重建

杞縣儒學

在縣治西始建未詳明洪武三年知縣章俊重建嘉靖八年知縣段績十一年

皇清

知縣王應二十三年知縣蔡時雍相繼修葺順治十六年知縣吳守竄重建講堂康熙四十七

年知縣謝天植重修雍正七年知縣李岱生增修

通許縣儒學

在縣治東北宋咸平間建明洪武三年縣丞范世英重建永樂初知縣李

本中嘉靖二十一年知縣陳正修葺皇清順治十年知縣賈待旌重修康熙元年知縣劉樾

黃三年知縣趙
與明相繼修葺

太康縣儒學

在縣治東北始建於漢元末兵燬明初洪武三年知縣王辰重建成化間

知縣王珣增修嘉靖二十五年署縣事通判路遠重修

明吳寬太康縣儒學碑記

國之所以立者天子與公卿大夫百執事之人

共治之也而所謂公卿大夫百執事之人非夫人可以冒而為之皆賢才論定而官之者也夫賢才之生有用之時必有取之之法有取之之法必有養之之地自今日觀之徵聘不出於上薦舉不行於下上之欲用其人者皆取之場屋下之為人所用者亦由於是而已矣上之欲取其人者皆養之於學校下之欲為人所取者亦由於是而已矣則學校者固場屋之地也嘗考之古人設為此者

或以之養老而寓其禮於俎豆之陳或以之習射而寓其禮於弓矢之發或以之受獻馘而寓其禮於軍旅之講所謂窮理正心修己治人之術一皆寓於此當是時取人之法雖以納言而登庸之必射侯以明其心術雖以六藝而賓興之必德行以考其根本人才之出所以彬彬乎其盛者由其取之養之者有道也世道之有古今若四時之序其溫燠涼寒不能不為之變者顧其遺制如受成獻馘雖不復舉而養老有酒習射有圖猶未至於盡亡特所以取士者勢不能與古一轍耳今天子即位之初慨然欲興學校變風俗如堯舜三代之時詔復憲臣提學仍賜之璽書以重其行乃於八年之春臨軒策士惓惓焉猶以學校雖興而風俗靡為慮憲臣之欽若於下者固不遑寧處天下之士亦有感激而興起者矣按察副使臨海陳公嘗以監察御史提學南方一時風教為天下最及是

超擢仍畀以學政往蒞河南公移昔嘗教人者教之所至入學宮臨諸生示之躬行俾自畏慕間取朱子小學書及冠祭之禮之大者令誦習之他條約不瑣瑣也若夫舍宇之不葺器數之不備者曰此有司之失職也則頗督責之開封所屬之縣有太康太康有學在縣治之北隅其與創歲月縣有志可考宣德以來為河水所圯且其制卑陋弗稱縣令崔壽嘗修宣聖殿及兩廡他未暇為成化六年古曹王珣以進士來知縣事首以修復為已任曰此固吾之職也乃集士民諭以相助衆歡然從之遂計財用拓基址凡門堂齋廬悉易其舊殿廡之故修者則更設賢聖像及祭器其中以其餘材建敷教堂困館為憲臣考業之所繚以周垣樹以棹楔煥然為一方偉觀工始於八年六月畢於明年之三月會王侯更治他縣去而易水田畷來代臨視維謹於是學之師生不忘侯之功使來請文

以為記夫學校養士之地也設為之者非虛器而
修飾之者非美觀誠欲士之來游於斯者進修於
斯講習於斯以為上之人所取所用之資也故士
譬若穀粟然有穀粟而無倉廩儲之固腐爛而不
可食然倉廩既完而所儲者或稊稗糠粃亦何用
哉此今日木石瓦甃之費斧斤版築之勞憲臣之
所督責縣令之所奔趨者不在乎所養之地而在
乎所養之人也而今而後凡游於斯者仰焉而視
俯焉而思升其堂者則思游心於高明正大之域
立其庭者則思置身於平直正實之地以倡風俗
以成賢才以為國家之用以
答天子之意其必自此始也

尉氏縣儒學

在縣治東南元天歷初縣尹張榮祖
建後燬於兵明洪武三年縣丞林清

重建十五年知縣黎季樞修葺成化弘治正德嘉
靖間知縣劉紹劉越趙琚曾嘉誥相繼增修

皇清順治四年知縣衛紹芳十五年知縣高桂重修康熙四十八年知縣趙映祺重修

洧川縣儒學

在縣治東南金正大間建明洪武三年知縣俞廷芳重建弘治間知縣杜

馴修葺嘉靖二十六年知縣陳秉忠崇禎二年知縣沈惟耀重修

皇清

順治六年知縣王秉彝十年知縣魚飛漢重修康熙十二年知縣王大作三十年知縣張世綬相繼

修葺雍正二年知縣辛禹籍重修

鄆陵縣儒學

在縣治東南元宣武將軍焦成建後為兵燬明洪武三年知縣江玉重建

永樂間訓導王賢正統成化弘治嘉靖間知縣焦鉉陳理王時中馮霄張解趙孔昭相繼修葺

皇清

順治六年知縣孫丕承重修康熙十三年知縣羅鈐重修二十七年知縣許承澎重修雍正五年知

縣童守
祿重修

明高拱鄆陵縣儒學碑記

嘉靖戊申秋九月鄆博
王君誥等介於中元子

曰蓋聞魯泮匪僖公不作蜀校匪文翁不興惟
學既久敝奉禋弗虔絃誦罔托將有青衿之刺乃
趙侯銳意修復不日就工制既美完教乃可振惟
師若生實感僖公之功沐文翁之化茲爨幣告成
麗牲有石願有言以迪多士以誌趙侯之德弗忘
中元子曰俞趙侯之修也奚若曰有因而飭者有
因而拓者有增而備者有更而置者曰殿曰廡曰
亭曰堂曰齋曰廨舍扶傾易腐章采煥施貫則仍
舊此因而飭者也曰大門隘則益以若干武曰號
舍寡則益以若干楹曰庫厨庖福弗全則益以若
干所此因而拓者也曰泮池曰殿前後翼門六維
肇興此增而備者也曰啓聖祠移之左曰名宦鄉

賢祠移之右相厥陰陽審厥向背惟厥宜此更而
置者也中元子曰都惟學亦若是乃即可以諗多
士夫道根諸性傳諸聖弗求諸性者沴也弗準於
聖者豈也是故登殿殿廡瞻殿几筵授受若聆揖
遜如覲堯舜禹湯文武周公之緒咸在於茲士於
此思聖則聖可師矣升厥堂則寬以容入厥室則
宏以受衆寡少長咸圓我闥士以此思仁則仁可
定矣修達分闕如砥如矢出入惟時罔不咸遂士
以此思義則義可由矣崇卑有等大小有量遠近
有度後先有序士以此思禮則禮可秩矣重戶洞
如視則遠列牆同前明則徹士以此思智則智可
達矣是故原諸心覺驗諸事行勵之以思智則智勿
壞猶夫因而飭者也能化始於致曲保遠肇於充
端固忽於微同畫於大猶夫因而拓者也博在知
新畜由多識古今名物網羅而會通猶夫增而備
者也非聖之書畔道之說辭而闢之惟正是歸猶

夫更而置者也嗚呼允克懋茲以宏乃性以準於
聖人則德可崇業可廣用罔弗利斯可謂善學也
已若乃擬遺文以資口耳獵近似以眩名實惟聞
譽可擬罔及厥躬惟爵祿可餌罔揣厥本則猶作
室者基之弗固惟版墻棟之弗堅惟殿繪額無日
矣乃國家亦奚利於斯嗟爾多士之修亦旡諸趙
侯之修而已矣趙名孔昭邢臺縣人厥為治摧強
枉而植良弱急緩改而後催科民用康阜俗亦丕
變乃茲舉尤為知務其所謂
強教也安民之父母者哉

扶溝縣儒學

在縣治東南元延祐三年縣尹趙璣
建尋燬于兵明洪武三年知縣張遵

皇清道重建景泰天順間知縣陳紀康昭相繼修葺
百治七年知縣楊在陸十二年知縣王佐訓導張

一結
重修

中牟縣儒學

在縣治東始建未詳元末兵燬明洪武三年知縣張永泰重建天順成化

皇清

間知縣董敏戴玉相繼修葺順治十二年知縣李敷治重修康熙十四年知縣

韓蓋光重修十七年知縣余應階重修二十三年知縣馬章玉重修

陽武縣儒學

在縣治西南始建無考元至正末兵燬明洪武二十三年知縣朱謙重建

後圮於水正統成化弘治間知縣馮祥陳永宗王佐嗣董景源張茂相繼修葺嘉靖二十六年知縣

蔡朴增修

皇清順治九年知縣姜光蔭重修康熙二十四年知縣

劉邦彥二十八年知縣安如泰修葺

封邱縣儒學

在縣治東南唐武德間建明洪武五年縣丞張宗海復建成化間知縣計

璜嘉靖三十三年知縣文大才萬歷九年知縣郝國章相繼重修

皇清

順治九年河決衝毀十五年知縣余縉重建雍正三年知縣朱于宣重修

蘭陽縣儒學

在縣治東明洪武三年知縣胡忠創建成化弘治間知縣李傑王政縣丞

皇清

高璉高義相繼修葺嘉靖十八年知縣劉岳重修順治二年知縣張仁聲重建康熙十四年知縣袁澍修二十二年知縣賈光先重修康熙五十九年貢士孫曠進士侯廷琳生員王作舟倡率閭邑紳

士重修

儀封縣儒學

舊在縣治東南始建未詳明洪武二十二年知縣于敬祖徙建今所天順

成化弘治間知縣馮綸胡澄張鳳騫張法嘉靖二十八年知縣葛之奇萬歷四十三年知縣劉廷宣

相繼增葺

皇清順治三年知縣安國珍重修

歸德府

歸德府儒學舊在府治東即宋南京國子監故址
屢經金元兵燬明洪武六年知州段嗣輝創建宣
德間知州李志增修天順間知州蔣魁增修弘治
中有水患廟學遂圯始遷於今所洎正德初知州
劉信增建規制始備又建明倫堂五楹左右齋舍
共計六十楹大門三楹儀門三楹饌堂五楹嘉靖

二十一年春參議王崇分守是郡見廟學傾圮捐俸修葺其功已半而崇晉憲秩兵備井陘以事委知州李應奎至冬始竣工二十五年陞州為府學因之二十四年知府王有為修葺三十八年知府陳洪範修葺崇禎十年通判顏則孔修葺

皇清順治三年知府徐淳十四年知府邱正策重修

明沈鯉歸德府學重修碑記

歸德故宋也宋自昔以愚稱天下如所謂

守株待兔襲石為玉皆是也謂為愚信哉即或有寓言無當事不盡核者意亦彷彿其近似為之名

而信尚顛蒙與其人硜硜渾渾之狀亦大畧可觀也當時之愚而笑之也其病乎及讀列國史記則固謂宋俗近古為多其有溫中篤厚君子者此又何以說也較近以來人習巧慧尚紛華蓋有競而逐鹿也不聞守株待兔也有飾櫝炫珠也不聞燕石什襲也昔之硜硜渾渾溫中篤厚不可見而俗益寢窳不足觀矣我知之矣蓋道俗貴樸而忌雕貴白而忌染也彼有生而煌煌者上知也次致誠以求明次雖愚而不知其故而惟巧慧紛華者始雕而染焉而下矣乃世俗則因以為知沾沾也非君子所貴也君子不得其上也思其次不得其次也則與其知也寧愚愚雖不可以躋乎上知而抱樸守白不失其故猶然赤子矣嗚呼使人人可為赤子也豈不一赫胥大庭之世而天下無事愚亦奚不可者而笑且病之故曰古之為道者非以明民將以愚之民之難治以其多知允哉斯言是在

有以風之矣風之自為士始矣祠部大夫鄒公之
守吾宋也蓋雅識此意思一挽習俗之弊也而篤
古以為諸士倡矣又睹學宮不修也而鼎新以居
士蓋曰士不見異物而遷焉則其業精專而士習
可興俗化可幾而理矣懿哉言乎鄒公諸所為上
知類如此惟士亦何以承公此意哉夫新沐者彈
冠新浴者振衣貴稱也然非以尋飾也蓋學宮敝
則庀舊以為新士習敝則反新而之舊其事同而
其所繇殊途也諸君子誠有意彈冠振衣乎蓋上
知無論其次則吾願復古之愚也不願有今之愚
也不願有今之知也寧守株無獲也無競而得鹿
也寧握石為固也無飾擯售欺也寧硜硜渾渾而
為世姍笑無巧慧紛華而沾沾自喜也何以故則
抱樸守白而不失吾所為赤子者也夫士而至於
不失其所為赤子則固於學也無獵譽于言也無
危詞于行也無飾貌於人也無瓦合於利無攫取

於患無計避而仕無速化其慮也鶴居而穀食其出也則其政悶悶其民淳淳無所如而不愚人者而後誠可明俗亦可化久之且浸尋生知而向之硜硜渾渾者乃所絲適道善俗之路也奚溫中篤厚云爾也故曰愚亦奚不可也而病且笑之句也

商邱縣儒學

在縣治北明萬歷元年建崇禎七年知縣俞大為重修

皇清

順治六年知縣胡楊俊十六年知縣劉之驥重修雍正六年知縣李鍾璠重修

寧陵縣儒學

舊在縣治西南成化十四年圯於水知縣金璽徙建今所正德十四年御

史王以旂撤縣增修

皇清順治六年知縣侯國泰本縣鄉紳李若星協力重

建康熙十七年知縣李之驥重修三十年知縣王圖寧增修

永城縣儒學

在縣治西南元延祐三年建後燬於兵明洪武三年主簿趙圭重建正德

間縣丞張繼祿嘉靖四年知縣陳廷瓚同修皇清順治十五年知縣陳恭龍十七年知縣程孔思相

繼修葺雍正四年知縣顏斌重修

鹿邑縣儒學

在縣治東元至正間建後燬於兵明洪武三年知縣韓獻重建弘治間知縣

縣史學修嘉靖二十五年知縣夏寶萬厯間知縣楊應魁重修

皇清順治六年知縣閔三元重修康熙四十四年知縣謝乃果重修

虞城縣儒學

在縣治西元至元十三年主簿裴琮始建末年兵燬明洪武四年知縣程

光遠重建成化八年知縣劉琮十三年知縣王端萬厯三十四年知縣王納言相繼修葺

皇清順治七年湖西道楊春育重修康熙二十二年知縣李仲極增建至五十二年知縣宮建章重修

夏邑縣儒學

在縣治東南金大定間縣令王德彰建元末兵燬明洪武三年主簿紀懋

重建宣德正統成化弘治間知縣王衡周普孫澤王志宋傑嘉靖四年知縣劉宗和修葺

皇清順治三年知縣胡守際十三年知縣張所志十五年知縣張光烈相繼重修

睢州儒學

在州治西明洪武三年知州梅時敏創建成化間淪於水知州謝光重建嘉靖

二十一年知州王佐修葺明末寇燬水没皇清順治二年遷南城康熙十年知州程正性重建

皇清湯斌睢州移建廟學碑記

睢州儒學舊在北城濯錦池上明末黃河決城

遂淪於水有司權奉先師主於城南民舍地甚湫隘殿廡之制不備堂齋皆缺諸生無所肄業屢議

改建以財用匱乏莫有毅然任其事者康熙十年知州事程公始至慮無以興學育才仰承

朝廷

德意期年政通事簡乃相廟東有地據岡面陽水

環如璧羣情咸合州之薦紳諸生量力捐助先建

大殿次及兩廡戟門櫺星門各如制明倫有堂啓

聖名宦鄉賢有祠樹以崇坊繚以周垣位序丹雘

應圖合禮其相規制稽出納久而不懈者學正魏

君也既訖工公率卿大夫士行釋菜禮而屬余為

記余不獲辭乃言曰修學有司職也諸生之遊於

斯者亦思所以為學而求進於古人之道乎抑徒

飾文辭溺訓詁冀苟得利祿以夸耀一時已乎夫

朝廷

廟學並建固期學者以聖賢為宗也夫聖賢之學

其要存心而已存心者存天理而已微而不睹不

聞顯而人倫日用皆天理所在也堯舜禹之相授

受必致辨於人心道心之危微孔子十五志學至

七十始從心所欲不踰矩然則聖賢之異於人者

惟在朝乾夕惕自強不息遂至與天為一耳成湯
文武之為君臯陶伊傅周召之為臣以及顏曾思
孟諸大賢時至事起功業各不相同而其深憂大
懼不得已之心則千古一揆也是以行無轍迹言
無仿效總以此心純一粹白相證於於穆之表而
非從勲業文章一一較論也濂洛關閩以來大儒
相繼輩出風會所值指授各殊而道本於心先後
若一學者不體驗於性情踐履與古人相見於精
神心術之間則為己功疎屋漏難慊即著書滿家
於道無當也惟知道之大原出於天而體用具於
吾心存養省察交致其功信顯微之無間悟知行
之合一喜怒哀樂必求中節視聽言動必求合禮
子臣弟友必求盡分蘊之為天德發之為王道此
學問之極功而尊信聖人之實事也然有難言者
正學不講俗瘠日深利欲之根難斷巧偽之術益
工苟非乘本體之偶露急加體認擴充之功如火

始然泉始達悠悠玩愒歲月幾何轉眼遲暮蹠同歸大禹之所以惜寸陰而尚書有取於若藥瞑眩豈不以此歟若曰吾志在於科名惟事揣摩帖括他不暇計焉是視聖賢六經祇為富貴利達之

資異日備

朝廷任使安能秉道絕欺憂國奉公不幾負建學立廟

之意乎余鄉人也誠願與鄉之後進互相砥礪使賢才輩出以報

君恩

敢述所聞以告之遂為記公名正性鄉貢士四川

萬縣人魏君名湛順治戊子舉人河南孟津縣人

考城縣儒學

在縣治東南始建無考元末兵燹明洪武二年知縣杜思進創建後圯於

水正統間知縣鄭道重建嘉靖二十六年知縣沈澄二十九年知縣章棐崇禎十六年知縣楊啓元

相繼修葺

皇清順治六年知縣劉應兆九年知縣劉愈奇十七年

知縣楊種沐
相繼重修

柘城縣儒學

在縣治東南明洪武三年知縣王智
創建後圯於水成化三年知縣朱佐

重建十八年知縣張萱修葺

皇清順治二年知縣王衷惺十年知縣白登明相繼重修

彰德府

彰德府儒學在府治西北隅宋韓忠獻公琦所肇
造金季兵亂焚毀元至元初始因舊基重建終元
之世已壞而復修者凡三次焉明洪武三年復建

正統十一年知府趙恭重修景泰八年知府王銳
重修成化九年知府王瑤重修十五年知府焦顯
修葺

皇清順治十三年知府翟文鳳十五年通判張學孟相
繼重修

元郭思恭彰德府學習雅樂記相郡廟學之制創自古昔聖朝尚文
崇教夔出前代郡在邦畿儒風之盛日逾一日茲
可見皇元之德大以治孔子之道尊而明也乃春
秋薦享稽諸祀典備三獻而闕九成豈八音之器
不克具歟抑具其器而為政者或未之舉歟將事

幾之會必有待乎其人也至元戊寅夏六月定興
杜公以總管來蒞茲郡下車祇謁大成殿已乃揖
學官而進之詢以學規且曰殿右克諧堂封藏者
何學正燕九萬學錄許中行合辭對曰前總管馬
合謨以祀廟未有雅樂奉楮幣一百有三十於江
浙造八音之器其制六十有四既至未用而公遷
秩今十有五年矣公白於監郡公謀於幕府諸公
曰修舉禮樂吾輩事也况樂器素具特教肄之功
耳公訪之縉紳耆儒求通達律呂者適前太常禮
儀院協律郎安陽郭思孝歸鄉里延致以禮典正
音節選儒生之秀者從而閱習焉調成協律公請
一試監郡公等皆曰可矣乃以己卯春二月丁酉
奉祀先聖先師金石在縣絲竹成列禮行樂舉間
奏迭作鏗鈞清亮既翕而繼升降拜起維序以和
遠近觀聽歡欣慕向教授王克彬偕學正李允中
學錄許中行跡其事來請記實予聞公之為治一

本於德安靜悃悃不務名聲吏畏其廉民安於善
可謂有古循良之風矣又動之以禮和之以樂既
竭誠於報本復敦化於善俗意者將漸仁摩義宣
太平之澤霑於郡人乎監郡別駕二公讀書謙慎
勇於從善其賢足尚也
政之易成豈不在是乎

明郭朴彰德府修學碑記

彰德郡學建在治城大
定門內址雖狹隘而規

制頗稱整飭蓋自洪武至於今二百年間敵而興
修者屢矣郡當干澗賓客絡繹供億繁歲值荒
歉財力詘乏綜理靡及邇者因循而弗治殆二十
餘年頽頽剝損漸底於散瞻視罔稱絃誦曷以郡
守陳公來蒞茲土政飭惠敷俗振教舉作新士類
明示正業人咸思奮而敏政修矣再踰年為隆慶
己巳乃謀諸郡僚別駕王公通府丁公高公節推
章公葺學宮而新之先殿廡次堂齋次門庫亭閣

號舍饌堂射圃以次更作鉅椽直檻撒朽益良滲
敞易新棟瓦圯傾增以甃甃黜至藻華丹碧煥耀
蒼阿翬起序階儼列望之屹屹即之翼翼規模聿
新觀現有嚴以是年夏四月肇工至秋八月而訖
事節推王公嗣來蒞任樂觀厥成安陽申尹胡尹
先後祇贊咸與有勞焉是役也財取節費之美僚
案間佐以贖緡役假練卒之暇弗克則就諸傭賃
無資公帑無庸民力斯又事之難也已諸公屬余
為記惟我國家建學育才專督於憲臣而教學綜
理之任繫守令是賴矧事神興學載於令甲學宮
修廢匪獨吏治之徵實教化隆替人才盛衰之機
也夫廟宇崇則瞻仰益虔堂舍飭則羣聚有所用
是士志靡渙而業精於專彝典丕彰而風動於遠
夫士也游斯息斯宜知繹思而克勵也乎夫士之
學也猶宮室之修而新之也夫治室者厚厥基以
崇積辨厥材以裕用舍舊而新是圖周防而敞是

虞斯美構而奠居矣故人必守專業則志斯定必敦實行則德斯懋必慎所與以翼進必大厥蘊以敷施非經弗談非道弗由非仁弗親非義弗為勿驚於高虛勿炫於奇異勿徇於近利弗蕩於浮習茲亦塗墜之勤而風雨之除也是則君子之學已相率以正相觀而善賢才蔚興勲業輝映上無負於學校之教下無負於作新之意豈非盛哉是在諸士陳公名應麟錦衣衛籍浙之鄞縣人治郡善政多可紀此特其一端云爾諸僚若屬賢襄而執勞者名籍具載於碑陰

安陽縣儒學

舊在縣西北十里元至元間建明洪武三年知縣蔡誠徙建縣治西成化

正德間知縣

崔鑑章綸相繼修葺嘉靖十一年知縣楊宏重修

皇清康熙二十八年知縣武烈重修三十一年知縣馬國正增修

湯陰縣儒學

在縣治東南宋大觀元年建元季兵燬明洪武三年縣丞邢榮重建天順

間縣丞王允成化間知縣尚璣相繼增修正德九年御史陸鼇檄縣重修

皇清

順治十五年知縣康蔭叔重修

臨漳縣儒學

舊在縣治東明洪武十八年圯於水二十七年知縣楊辛徙建今所景泰

間知縣畢衷正德十三年知縣孔賢相繼增葺皇清順治八年知縣王象天重修雍正六年知縣陳大

修玠重

林縣儒學

在縣治東南元至元三年建明洪武七年知縣丁瑄重建正統間知縣謝理成

化間知縣周完郭琳正德間知縣王雲相繼增修嘉靖七年同知王都萬懋間知縣張崇雅謝思聰

重修

武安縣儒學

在縣治東南金天會十一年建明洪武五年縣丞左良弼重建成化間知

縣鍾洪柰永昂嘉靖二十四年知縣唐交相繼修

葺

皇清

順治十八年知縣陳

之辰教諭孟瑁重修

涉縣儒學

舊在縣治西南始建未詳元季兵燬明洪武三年縣丞吳得誠徙建今所成化

皇清

康熙二十六年知縣王光培增修三十五年知縣

左印奇重修四十九年知縣黃澤通重修

內黃縣儒學

在縣治東北始建無考元至正末知縣劉溫劉濠王熙閻汝梅相繼重建

元末兵燬明洪武二年縣丞楊郁重修宣德六年
知州掌縣事宋安正統八年知縣周源弘治五年
知縣張鳳八年知縣李隆復嘉靖二十六年知縣
塗澤民萬厯間知縣張廷登顏思忠王廷諫相繼
增修

皇清康熙二十年至四十六年知縣沈十祿高
清王翼
施奕替相繼修葺五
十八年教諭周琦增修

衛輝府

衛輝府儒學舊在府治東南隅元初知州王昌齡
建後為兵燹所毀明洪武三年同知吳鼎重建正
統間知府張亨重修成化間知府趙文博邢表修

葺弘治間知府王儼金舜臣相繼增修萬歷十三年因建潞王藩府展擴地址城內民基無可移借因分儒學大半遂置正殿兩廡廟門櫺星門於明倫堂前又增鑿泮池殿堂齋廡祠坊併教官宅舍悉更新之俱知府周思宸經營修建崇禎八年知府邊崙以形家言遷於西關衛河之北岸用舊都院行署

皇清順治十一年知府沈奕琛重修

明傅瀚衛輝府儒學敬一亭碑記

弘治戊午歲朝廷擇郡之勝地

為親藩學自講堂以北咸割入焉而文廟仍存巡撫河南右副都御史弋陽鄭公巡按御史安化楊公暨藩臬諸公咸謂興學要務玩視不可乃胥詰難胥謀度以廟之東為府學西為汲縣學而廟處其中兩學共之蓋廟東舊為府學射圃其又東隙地平曠足可區畫於是知府襄陵金君舜臣以提學副使廣陽車公壘所授圖式詎日亟從事而參政德興祝公經參議武安康公紹宗僉事清江彭公綱適行部至咸曰是不可緩者爰治地計財度具鳩工首建明倫堂五楹木始豎而金君代去孝感嚴君正擢自大理實來繼之廟謁既慨然曰吾事也遂大興作益治堂堂迤南為二門為大門門皆三楹翼堂東西各兩齋東曰進德日新西曰修業時習相向俱十楹東齋之南為名賢祠西齋之

南為神庫宰牲房四齋之後諸生肄業號舍堂北
 為後堂其東西為會饌儲書二堂又東西為饌庫
 為吏牘房而廟及後堂之北則職教之居列馬益
 北為外舍以居諸生有家室者又為甌庾為射圃
 觀德之亭凡為屋一百六十餘楹而學之所宜有
 者備已為地東西三十有五丈南北五十五丈有
 奇垣其四周廉隅秩如經始於己未正月訖工是
 歲九月費俱嚴君節縮之餘材因舊者什六七役
 以聚六邑之氓治藩地之所未籍者茲役之功懋
 哉教授周君公安以成告於彭公軫軫告子徵文
 為記相是役者同知永康吳公璘通判西蜀楊公
 璞推官海虞蔣君欽一皆心志克協素重學校者
 云

汲縣儒學

在縣治西北元至元初建後為兵燬明
 洪武三年縣丞陳子銘重建成化間知

縣盧信修弘治間因建汝府知縣宋塘乃徙建於
府學之西正德十三年都御史李克嗣檄縣增葺

皇清康熙二十三年知

縣佟國瑞增修

新鄉縣儒學

在縣治東南宋元祐五年縣尹李允
建元季兵燬明洪武三年縣丞王克

敬重建天順間知縣楊清弘治間知縣李全王統
陳瓊萬厯間知縣盧大謨相繼增修

皇清順治十二年知縣王克儉復修康熙

熙二十七年知縣周毓麟重修

明范鏞新鄉縣儒學碑記

新鄉衛鉅邑廟學自平
定揭侯清重繕迄今有

三十餘禩間雖敝墜然尚堪棲神居士修舉猶在
得已惟檮星門廟之外觀而歲時祀謁所必由者
木朽牆頽不任啟闔前作縣者率以簿書期會為
急復新之舉懦者不能黠者不為否則又諉之下

疲上隘用是日就領蕩無蔽內外而往來者遂視
若通衢弘治庚戌蓋屋李侯全來尹斯邑欲復新
之時值歲歉民多逋賦政務叢劇未果就緒邑義
官臧榮居仁乃出其白金百餘兩市材鳩工欲鼎
建焉既而營繕匪懈又計欲經久非石不可遂自
構榼棟栳栒椀門扉外惟石之用至他料物亦咸
具集以壬子正月經始凡七閱月乃訖工相殿規
制堅緻宏敞靡不忻忻然改觀嗚呼廟學之修敵
舉墜有司事也居仁乃不俟勸募而奮然為之力
不勞民財不傷官功斯為大視擔公家之爵操可
致之柄而恬不加意者其得失
何如也記之於石用告將來

輝縣儒學

在縣治西元至元十三年知州司仁建
末年燬於兵明洪武九年主簿徐文重

建弘治間知縣劉玉修葺嘉靖七年知縣張天正
萬曆間知縣聶良杞重修

皇清順治八年御史

王亮教重修

明車壘輝縣儒學碑記

輝縣在衛輝府之西地形

勝槩也弘治戊申改元之春予始泣焉因嘆曰卓
哉蘇門之奇真可謂宋之李邕元之姚許諸賢講
道之地哉閱三日詣學則見門巷廓院闌闌雜糅
生徒之就業者蓋鮮乎其有造也予又嘆曰古今
人之不相及果若是哉越歲壬子華容王公民望
守衛輝雅重學校予至衛言及辭未畢而公毅然
肯為因白於巡撫海虞徐公檄知縣李琮庀材鳩
工易市廛地東西廣十丈許鑿石於山為柱為礎
伐木於林為棟為桷新立櫺星門三楹中戟門三
楹列兩廡十八楹齋號廚庫凡四十楹文廟講堂
悉從舊制今年乙卯冬落成之子過而視之丹碧
宮牆怡悅心目又嘆曰美哉學宮直可謂蘇門百

泉之勝哉因紀
顛末以告後人

獲嘉縣儒學

在縣治西北宋初建元末兵燬明洪武三十年知縣熊邦基重建景泰天

順間知縣薛良邢表成化間知縣吳裕增修嘉靖十一年知縣羅浙教諭周曉三十一年教諭徐廷

徵偕耆民徐良等萬厯十一年知縣張一心相繼修葺

皇清

順治八年知縣馮雲朝重修康熙二十三年知縣馮大奇修葺雍正四年知縣壽致浦教諭李德元

訓導李永
鄴等重修

淇縣儒學

在縣治東南元至元九年建後為兵燬明洪武三年知縣段珉重建宣德景泰

弘治間知縣羅經王寧崔高嘉靖二十三年知縣張宜同修葺

皇清順治六年知縣柴望增修康熙

二十五年知縣趙之屏重修

延津縣儒學

舊在縣治東元泰定四年建後燬於兵明洪武三年縣丞甯通徙建今所

永樂間教諭黃永誠等增修弘治嘉靖間知縣梁文盛黃鐘相繼修葺萬曆四十年本縣序班李崇

文增修

皇清順治三年大梁道李呈祥六年知縣馬永元重修

昨城縣儒學附

在縣治東南元至正十三年縣尹姜師望創建末年兵燬明洪武三

年縣丞殷鑑重建十年縣革學廢十四年復置縣知縣程子靜增修弘治間知縣謝資吳章嘉靖二十二年知縣王邦正萬曆間知縣霍炳邢登雲相繼修葺

皇清康熙二十九年知縣王基昌

修葺今縣治裁併延津縣

濬縣儒學

在縣治東明洪武三年知縣項如英方叔週建永樂至天啓知縣王憲鞠芳焦

瑾葉衡楊動郭東山陸光祖
孫維城趙建極相繼修葺

滑縣儒學

在縣治東南金末漸圯明洪武八年知縣諸宏道重建正統至萬厯知縣馬惟

善蔡璘龍用升任環張佳蔭許雲濤趙時晉相繼修葺

皇清順治四年知縣

郭心印重修

懷慶府

懷慶府儒學在府治東南元懷慶路判官楊果建

兵亂廢襄明洪武間知府王興宗重建正統間知

府高奉復修正德間知府徐以貞重葺崇禎十四年知縣王漢教授常大中重修

皇清順治十六年知府彭清典龔其裕先後重修

河內縣儒學

在縣治西明洪武十四年知縣陶晟
建正統九年典史宮原正德間知縣

高傑縣丞蘇徵嘉靖初知縣王齊民萬曆二十一年知縣侯加宋相繼修葺

皇清

順治十四年知縣孫
灝教諭馮天培重修

明何塘河內縣儒學碑記

河內縣儒學文廟在縣
治之西攷碑記洪武十

五年姑熟陶晟之所創建也迄今將百四十年矣
棟宇不無傾圮屋瓦不無凋落有司雖時加修葺

而因陋就簡規制未備春秋莫獻無所瞻仰甚無
以稱朝廷崇禮先師之意於是教諭宰廷俊惻然
於心遂謀於知縣高傑及訓導鄭樞汪振王詒復
申請於撫按兩臺報可迺出帑藏銀六百有奇市
材鳩工委義官蕭欽督之正殿舊四楹廣為六楹
兩無舊二十楹廣為二十四楹戟門舊星門皆撤
而新之檉星門三座皆易以石柱門內泮池亦甃
以磚石未幾傑擢刑部主事去縣丞蘇徵繼其志
綜理不怠乃底於成經始於正德十四年正月落
成於明年九月未幾徵亦致仕去今知縣王濟民
復修拓兩齋補其未及廟學規制視昔大備廷俊
等乃來徵言以紀成績竊惟吾夫子之聖以及從
祀之賢皆功在萬世有司修廟致祀皆祇奉朝廷
德意而為之蓋有不待贊者然聖賢廟貌之設祀
享之禮必行於學宮之中此則朝廷深意蓋有不
可不知者英俊之士歲修游息於此朔聖參謁春

秋莫獻夫豈無所思乎均是人也彼胡為而廟祀於萬世吾儕衆人胡為而泯然無聞也反覆以思之黽勉以求之不沮不怠則庶乎其有得矣抑行遠自邇從祀之賢有魯齊許先生焉非河內之產乎志其所志學其所學過則聖及則賢不及則亦不失於令名斯於朝廷廟祀先賢先聖之深意庶不負矣不然則殿宇之崇徒為觀美夫何益之有哉

濟源縣儒學

在縣治東南元至元十年縣尹劉源創建明洪武三十年縣丞齊威重建

天順六年知縣段永重修嘉靖三十九年知縣李資元萬曆四十四年知縣石應嵩增修

皇清順治十四年知

縣夏霖重修

修武縣儒學

在縣治西南金天會間縣尹翟中舍建元至元間縣尹蒲察重建明永樂

十年主簿王獻十二年知縣劉昭正德十二年知縣冷宗元萬曆十九年知縣邵烟相繼重修

皇清

康熙十六年知縣宋師祁二十年知縣李啓泰二十八年知縣張明遠康熙五十四年知縣錢宗禹相繼修葺五十六年督糧通判署縣事高士銓知縣鄒權重修

武陟縣儒學

在縣治東南元至正十年縣尹于誠建後因兵燬明洪武三年知縣蘇輝

重建正統間知縣何翕正德十五年知縣譚魯相繼修葺

皇清

順治十二年知縣趙莫麗重修康熙二十七年知縣甘國瑛重修

孟縣儒學

舊在下孟州三城內金大定間徙建今縣治東南尋廢元至元間知州梁世英

因舊址重建末年兵燬明洪武三年同知韓進重建成化五年知縣孫芳修嘉靖九年縣丞黃知常

萬厯九年知縣武元謨重修
皇清康熙十四年知縣胡希銓重修

溫縣儒學

舊在縣治東南元至正十二年縣尹耶律惟謙創建末年兵燬明洪武七年知

縣沃野重建嘉靖十年知府王德明檄縣徙置縣治正南即今所也

皇清

順治十五年知縣郭仰康熙五十五年知縣孫眉重修

原武縣儒學

在縣治東元至元間建後為兵燬明洪武四年縣丞江忠重建成化弘治

正德間知縣謝寧張愷王經相繼修葺嘉靖三十二年知縣黃元吉崇禎十一年知縣褚應于重修
皇清順治六年知縣蕭鑑十年知縣蔣爾琇十四年知縣甯宏舒重修康熙二十四年知縣張金式重修

河南府

河南府儒學舊建在府治南洛水南岸金正隆初
知府孔彥舟徙建於洛水之北元末為兵燹所毀
洪武三年知府徐天麟重修景泰二年知府李達
增葺嘉靖六年知府劉漳重修萬曆四十三年知
府宋時魁重修

皇清順治八年分守道于時躍許文秀知府楊所修推
官馬呈圖十四年教授侯杼愨相繼重修雍正二
年知府張漢重修

洛陽縣儒學

在縣治東明洪武五年知縣胡宏道以玉清觀廢址創建正統天順間知

縣孫洪張本濟弘治正德間知縣楊滋黎顯相繼修葺嘉靖三十一年縣丞吳英萬曆三十六年知

縣杜汝亮重修
皇清順治六年知縣武攀龍十三年知縣葉琪相繼重

修雍正七年知縣王箴
與教諭范百順重修

偃師縣儒學

在縣治東元延祐四年縣尹賈淵創建後兵燬明洪武三年知縣汪可行

重建成化間知縣張貫李厚相繼增葺弘治九年知縣魏津崇禎十一年知縣薛虞鼎重修

皇清順治初知縣宋中鴻魏惟紫重修康熙二十八年知縣王澤長增修

鞏縣儒學

在縣治南相傳西漢時建元末兵燬明洪武三年縣丞張庸重建天順成化間

知縣孫讓柯忠增修嘉靖三十一年知縣陶承祖
重修

皇清順治十三年知縣張如珩重修康
熙二十一年知縣蔣徵猷重修

孟津縣儒學 舊在縣治二十五里舊城內明嘉靖
十六年因遷縣改置新城內縣治東

南即今所也通判韓溉建
皇清順治十四年知縣孟常裕重修

宜陽縣儒學 在縣治西元初創建後燬于兵明洪
武三年知縣鄭桂發重建嘉靖二十

三年知縣雷世榮萬厯間知縣何其智重修
皇清順治十年知縣金繼望十六年知縣王鼎印相繼

重修舊制北向康熙五十七年知縣陳彞鼎詳請
南向未及繕修雍正二年知縣郭朝鼎改建

登封縣儒學 在縣治西南始建未詳宋宣和間燬
于兵元大德五年既建復燬明洪武

七年知縣山錫之重建景泰天順成化間知縣趙興張雄王璟侯觀相繼修葺嘉靖五年知縣侯泰萬曆末年知縣傅梅重修崇禎十年燬于火皇清順治九年御史王亮教趙如瑾知縣張朝瑞重建

雍正三年知縣楊世達重修

元吳炳登封縣儒學碑記

聖人之化與國家聲教為遠邇學之廢舉視守

令賢否而風俗之美惡係焉皇元龍興崇尚文化薄海內外咸建學置師俾勤勸誘以光吏治間設科選以賓興其秀使待問於廷不十餘年皆位至通顯人知向方一意於學卉衣遠人皆能講聖人之道酣飲于史工習文詞羣試于有司獻藝于上國與吾中土之士角長於一日往往躋膺仕有名稱於時豈土俗至是哉蓋聖化遠被勸學之效漸劇使然也惟登封距京都首善千五百里而近乃

昔洛師畿內地故家文獻源洛之淵源在焉愚意
絃誦之聲不絕於耳明經待問之士相接於朝也
載瞻學宮庭落不除像設在位漫漶弗飭學者病
之非朝廷之化勤遠而遺近風俗之升降異前日
也將施教有不齊而為邑者有所未至與秦定丁
卯歲冬十月王君琇始尹是邑首來謁學即慨然
嘆曰國家重選守令且將屬以何事學基將墜責
其誰適乃謀諸主簿馬琰計學廩之贏佐以己
俸徵傭僦工役木陶瓦邑之嚮義者咸左右焉董
以文學王文法蓋數閱月而克就緒有嚴聖容四
子旁侍配食諸賢繪於廡下殿寢尊嚴門闥深覩
乃集士民擇日虔告而用牲焉因提點嵩陽宮事
遲道請來訪介嘉議大夫工部尚書致仕韓冲來
請記噫若尹者可謂良吏而不知所務矣古者國中
至於鄉遂皆有學先王所甚重者莫尚焉非直為
觀美也蓋以扶民彝善風俗平居則入孝出弟人

知禮讓而上之政易以行遇事則親上死長而無
自顧之意者教實使之然也故孟氏語時君以仁
義不過使無饑寒之患而後謹庠序之教而已蓋
誠知其如此非嘗試所疑故為迂濶之言求異當
世以自取屈於功利之徒也嗚呼功利之說異時
同患人知善趨事者為有用而不知移風易俗者
在此而不在彼也若尹者可謂良吏而知所務矣
蓋尹嘗以俊秀為國子生遂典學藉除太常太
祝出主濟南鄒平縣簿選掾中書以承事郎來尹
是邑觀其設施蘊于中者可知矣迺為記之俾刻
以示後使皆知勸學不可緩講仁義之說以續夫
濂洛之傳勉勉焉為國家育才以待用則尹之職
舉而是學者不患其或廢矣哉

永寧縣儒學

在縣治西宋崇寧四年建明洪武元年知縣程禮重建三十年主簿艾敬

皇清增建景泰治間知縣于淵李景相繼修葺
順治九年知縣程萬善重修康熙二十八年知縣

佟賦偉
重修

新安縣儒學

舊在縣治東南宋崇寧間兵燬元至元間縣尹張臣澤徙建縣治東北歲

久復廢明洪武三年知縣丁廷舉重建成化十四年知縣許鍾增修崇禎十年邑紳兵部尚書呂維

祺重修

皇清康熙四年知縣范謨重修

澠池縣儒學

在縣治南宋未燬于兵燹明洪武五年知縣王熙陽重建天順成化間知

皇清縣王賓張重嘉靖二年知縣陳綬相繼修葺
順治三年知縣潘沂至十六年知縣張璟先後重

建康熙七年知縣鄧琪棻改建雍正五年知縣王箴與教諭禹無間增修

嵩縣儒學

在縣治西元至正六年嵩州同知陳鼎創建歲久傾圮明洪武三年改州為縣

主簿譚景祥修弘治十一年教諭牛良同知縣伍文震重修

皇清

順治三年署縣同知鄭倬十三年知縣趙景融重修康熙十九年知縣王琰二十四年教諭李滋相

繼增修

盧氏縣儒學

在縣治東南元元統二年建末年兵燬明洪武元年知縣李子用重建正

統成化間知縣張慎沈源崔俊修弘治間知縣苑秀李銳重葺

皇清

順治四年知縣劉澗十四年知縣鄒蔭光先後重修康熙九年知縣胡循綸重修十九年知縣蓋圖

增修雍正五年知縣章節毛伯岐教諭趙作霖增修

明耿裕盧氏縣儒學碑記

學校治之本也我太祖高皇帝於建國之初即

命天下郡縣皆立學列聖相承益隆文教故今天下無地無學具官於是者苟稍通詩書知大體罔弗以興學為念况自學校中出而世所謂賢者乎盧氏縣固有學明倫堂僻在廟後廟之左諸生之廬舍在焉而文昌祠及庫庖庖湍則在堂之右成化庚寅沈侯以監察御史調知縣事謂規制不備敝且日甚不足以興風教成人材乃謀於僚佐遷祠庫等屋於隙地而併新所易民居撤而充拓之得巨基焉于其上構堂凡五楹東西為兩齋聯以號房各十楹堂北為會饌之室夾以庖湍堂之南為儀門其前則通衢也於是左廟右學規制翼翼士咸相賀曰奠方定位稱厥所宜侯嘉惠我後學之心至矣未幾侯即世而崔侯實繼其任又以其所未備者為心丙申廣學門為三楹增廬舍十有

六復加修葺百度維新學於是蓋甚備矣然則二
侯其殆所謂賢者乎頃予省祭歸教諭周君宣訓
導魏君濟劉君賢率諸生揖而進曰兩侯之績偉
矣先生幸紀其成于石庶來世有徵而游歌于是
者亦知所勉也予邑人也不敢辭乃為之言曰為
政之道莫先於長風教育人材也然或因仍苟且
則不足以歆動向業者之心豈不辜負朝廷養賢
圖治之意哉沈侯卜吉相度更置有方崔侯又能
增而修葺之韓子有云莫為於前雖美弗彰莫為
於後雖盛弗傳兩侯之謂也非賢而能之乎雖然
興學有司之事也爾諸生居此高明亢爽之地豈
徒快心目怡神志而已哉蓋必即事而為其所當
為者則善矣當為者何三綱五常之道是也是道
載在六經昭如日星學者當究觀體驗以明諸心
以見於行推而至於威儀文辭舉無愆忒則材成
矣自茲舉于鄉貢于王庭上可以備公卿大夫之

選次可以備百執事之用隨所任使而盡心焉俾
國家收養賢之效而賢者獲有用之名則一邑之
人觀感歆嚮而父詔其子兄誨其弟舉欲如是而
恥乎不及則風教日益淳美教化興賢才盛豈惟
不負聖天子作養致治之意而兩侯興葺之意亦
庶幾其不負哉沈侯名源字澄之漳州人崔侯名
俊字世英陽曲人文學行業相
為伯仲故人亦不得而軒輊云

南陽府

南陽府儒學舊建在府城之內元至元八年改州
學為府學後燬於兵燹明洪武初知府事金吾前
衛千戶秦藝捐俸重建規制大備永樂八年又燬

於火九年南陽府知府劉時徙建於延曦門外即
今所也又數年知府王昇增葺宣德天順間知府
陳正倫龔鼎段堅相繼修葺嘉靖八年知府楊應
奎重修明末半圯

皇清順治十年守道戴明說知府郭騰耀復就舊址建
大成殿明倫堂戟門櫺星門嗣後知府塗騰茂增
葺

皇清戴明說南陽府儒學碑記

自昔郡縣皆有學所以
培人材廣教化慕重矣

顧歲久而祀齋無弗治游其下者怒然有風雨則
殊之嗟念曰伊守吏胡弗問或曰伊邦人士胡不
是勤程樂與子衿能遠無乃俗不淳古余以佐
計議參審政於宛南固楚豫間名鎮也消水環流
紫一峙秀巖為先武之所奮興武侯茅廬之所寄
跡名臣碩彥史不絕書佳氣鬱葱今古如一迺余
下車而商瞻文廟在宛城外之東偏蔓草殘碑堂
楹將墮余顧而嗟進郡吏及博士弟子員咨之或
曰學在城中以唐藩士却因移郡學以拓厥北兵興
以來城郭宮室靡不有災宣聖有靈乃使寇逼弗
入於阻豆今遺黎甫集未暇絃歌且楚氛震動民
庶敢微是供何力以及膠序余謂非也自昔臨雍
釋策勤為聖典漢高以馬上得天下紉陸生之言
喜文宗明宗干戈甫定即為圍橋講誦之舉豈獨
聖是為兼寓弭亂銷兵之策今
南顧周師亦不撫解歎息乃親舉太學且日進文

學諸臣而策試焉非舞干戢天之意與適因唐藩
廢址請于撫軍中丞公郡大夫率諸人士進言曰
此舊學宮地也修與建費等移而建費亦等蓋移
之均肆厥力予曰善崇文古也復舊今也勵杰儲
才豫也爰謀諸有事茲土者若大將軍若諸分閫
若郡若守令廣文以暨邦之薦紳先生博士弟子
皆有助而以予為倡自茲煦育人材鼓吹教化將
以日月之光洗甲兵之氣豈惟宛郡科名聿盛將
菁茅溪洞之域必有
嚮風慕義而來者

南陽縣儒學

在縣治東元至元九年建未年兵燬
明洪武九年知縣劉瑛重建宣德間

知縣李桓圭修成化八年知縣段堅萬歷間知縣
程選重修明末兵燬

皇清順治九年知縣李廷松重建康熙六年教諭劉文
成增修二十年提學副使吳子雲增修雍正四年

知縣陳王
綬重修

南台縣儒學附

在縣治西北隅子城內
明成化十二年始置縣

都御史原傑檄知縣張琪創建正德十六年經
歷楊森教諭張淳重修今縣治裁併南陽縣

唐縣儒學

在縣治東南明洪武三年知縣事千戶
程飛始建永樂正統間主簿王煥知縣

朱英相繼修葺成化六年提學副使劉昌增修正
德嘉靖間知縣王寧李鐸董執中相繼復修明末

大成殿毀

大成殿毀

順治六年知縣李芝英十二年知縣吳璞郭皇圖

重建

泌陽縣儒學

在縣治西宋建元初廢縣為鎮學亦
燬明洪武十四年復置縣知縣胡惠

重建宣德天順成化間知縣王懋陳鼎魯昌相繼
增葺成化十三年知縣陳俊重修明末止存大成

殿其餘盡燬

皇清順治十三年知縣溫如玉重修康熙二十五年知

縣莫國芳教諭
實克勤修葺

鎮平縣儒學

在縣治西北隅元至元間縣尹李炳建明宣德六年知縣白岳重建正統

成化間知縣徐煥李賢相繼增修嘉靖二十七年知縣阮高重修萬厯間知縣梁必先遷今所

皇清順治八年教諭張爾雅訓導楊遺白重修康熙二十三年知縣葉日升重修

桐栢縣儒學

在縣治南明成化十二年始置縣本府經歷徐行偕南陽衛千戶萬全創

建明年知縣汪雲繕完正德間知縣李聚修嘉靖二十年知縣曹侃崇禎年間知縣江梅宴重修

皇清順治十一年署縣通判歐陽世逢重建康熙十二年知縣陳堯澤十四年知縣鄭逢時相繼修葺

鄧州儒學

在州治東南金至大七年創建元末兵燬明洪武五年署州事鎮撫孔顯重建

宣德天順成化正德間知州寇義于寬崔富李貴李順相繼修葺嘉靖三十二年知州王道行重修

至萬曆八年分守汝南參政徐元氣知州黃錫遷於內城後遭流寇撤毀

皇清

順治十四年知州馮九萬創建康熙二十年學正

段維宸增建二十六年知州宋嗣炎重修三十三
年知州萬懋學正張垓增修康熙五十三年
至五十八年知州尹椿陳大年相繼增修

內鄉縣儒學

在縣治東南元大德八年建後燬于
兵明洪武七年知縣史惟一重建宣

德天順間知縣鄧恂王傑鄭時成化十五年知縣
沃類萬歷間知縣尚從試相繼修葺年久傾圮

皇清

順治十五年知縣王襄明重修康熙
二十六年知縣高以永增修

新野縣儒學

舊在縣城外元末兵燬明洪武六年主簿劉莊徙建城內縣治東即今所

也成化六年知縣趙澹十九年知縣薛琦嘉靖六年知縣汪東相繼修葺明末傾圮

皇清

順治六年知縣汪永瑞十二年知縣崔誼之重修康熙二十八年知縣顏光是增修

明劉昌新野縣儒學碑記

新野為南陽望邑其廟學嘗建於縣之子城外

既而廢於兵國朝洪武六年始重建於今縣治東密邇闔閭規制簡朴積以歲月殿宇頽圮天順八年昌提學至邑慨然思一新之而地當要衝民憚興作又二年乃命邑令趙漢首創講堂遂作聖殿作賢廟次乃樓書之閣貯器之庫潔牲之廚至於藏修之所庖湍之處庖餼之資廩沒之給莫不悉備以成化六年十二月落成位置嚴邃庭階崇峻衣冠彬彬絃誦洋洋禮樂文物之盛甲於他邑乃

為之銘其詞曰皇風播宣德孔滋四海郡國同一
施右文養賢治所資嚴欽不怠今見之吏民趨事
無怨咨煌煌禮殿尊聖師教闡禮樂書與詩衣冠
彬彬出以時保正襲偉達四支仁義忠孝端厥思
昭哉堅白無磷緇後來考者鑒我詞
扶傾濟美無吝私垂於萬世恒如斯

浙川縣儒學

在縣治正南成化十二年始置縣本
府同知盧信創建弘治九年知縣沈

皇清

鉉增修萬歷二十三年知縣王麟趾改建
順治十三年知縣盧敏我重修康熙十四年知縣
于先登二十年教諭栗森二
十六年知縣王然相繼修葺

裕州儒學

舊在州治南明洪武三年知州繆承先
徙建州治西宣德間知州石鼎正統間

知州宋盛成化間知州鄧瓊許倫相繼修葺明末
遭兵火頽頽

皇清順治十五年知州陸求可修葺康熙八年知州王廷棟增修二十八年知州潘雲桂增建

舞陽縣儒學

在縣治東南始建未詳元初罷縣學亦廢明洪武三年知縣王德潤創建

成化間知縣宋鑑增修弘治十一年知縣陳碧重修萬厯初知縣李源潔重修明末遭兵燹

皇清

順治四年知縣趙權十年知縣葉永敬重修十六

年知縣張蓋重建康熙二十年知縣金標二十五年知縣蘇虎相繼修葺三十年知縣祖良屏重修

葉縣儒學

在縣治東南金至大三年創建元末兵燹明洪武三年縣丞傅璧重建正統天

順間知縣和惠胡夔增修洪治三年知縣秦志重修歲久荒蕪

皇清順治十三年知縣許鴻翔修葺康熙十四年知

縣潘見龍重修二十九年知縣呂柳文增修

汝寧府

汝寧府儒學舊在府治之西南隅即金皇統間所
建蔡州學也元陞蔡州為汝寧府而州學遂為府
學耶律文謙以地址狹隘徙建於府治之東南即
今所也後燬於兵明洪武六年汝寧府通判董渙
重建正統成化間知府李敏錢鉞相繼修葺正德
四年知府畢昭重修萬曆間知府宋豸崇禎間知
府劉民悅相繼修葺

皇清順治四年知府黃登孝重修

明魏驥汝寧府儒學碑記

汝寧府古蔡州也元至元癸巳始陞為府其府

學即舊州學金皇統間所建者知府耶律文謙以
湫隘弗稱且遭焚蕩唯聖殿僅存遂改為汝陽學
別構府學於府治之巽隅今學是也皇慶改元知
府張昇又以規制簡率復修飭之茲學至是始克
就緒垂今二百載風凌雨震其間梁木未免頽毀
黜至未免漫漶斲斲未免缺落致過之者咨嗟惋
惜深病其無有注意於此者焉正統三年春保定
李公敏以知府事來蒞此邦政事之餘慨然曰斯
學之傾圮非吾責耶惟役殷費廣顧力微不能獨
勝乃謀之於守禦千戶倪誠等暨邦人之篤於斯
文者咸唯唯以樂助之公即首捐已俸為倡不踰
月得所助金四百兩有奇公即屬之教授紀振掌

之既而召匠需材肇工於正統四年之春二月訖
工於明年之秋八月殿堂室廡視舊煥然一新規
制則尤加宏敞既落成復以師生出入之途卑
狹沮洳又易軍民居地闢為大道榜其棹楔曰興
賢致邦之人士若老若稚無不改觀而稱嘆嘖嘖
焉未幾公以膺特詔升尹南京應天府嗣其任者
若知府賴上李公秉同知建昌張公鑑皆愷悌君
子也觀茲成績謂公之興建與千戶公等之欣助
不可無述以示後之來者乃徵記於余夫學校為
美教化育人材之所苟或廢墜凡有學校之責者
其可緩視耶今公下車之初即汲汲引為已任又
夙夜殫心竭慮經之營之俾其克底於成良亦難
矣且聞公於是學締構之始所乏者堅大之材以
足榱桷之需忽一日大風拔木於近地得榆槐合
度者數十本以足其用或謂公精誠所通
神明有以相其成也故併及之以為記

汝陽縣儒學

舊在縣治西南即金蔡州學也元即遺址改建為縣學後燬於兵明洪武

八年知縣楊補之重建成化八年取其地建宗藩

府明年副使陳選檄汝寧府知府張綸徙建縣治

西即今所也萬曆二十四年知縣樂和聲修

皇清順治三年知縣楊義九年知縣劉瑞十五年知縣

紀國珍相繼增修康熙二十八年知縣邱天英增

修
繼增

明楊守陳汝陽縣儒學碑記

人之性本於天至善極粹者也或昧而虧

之聖人於是乎有教焉天下之虧其性者衆矣聖人奚能一一教之必引其俊與英者而先焉教俊與英俾格物以明其性修身以率其性而至於道德之成窮則固之達則隨其位之所至而布之彥

淑者慕而趨焉猥瑣者恥而格焉萬姓以和庶類以若旁達乎四海之外斯教之至也然所謂俊與英者必建學以居之俾知別於庶民不遷於異物然後教之可成庖人無厨則饌不烹工人無肆則藝不精教俊與英而無學可乎學也者教之所由施也教也者性之所由復也學不建則教不得而施焉教不施則性不得而復焉天下未始有無性之人故學不可一處闕也人未始有無性之日故學不可一日廢也不闕不廢教猶有未至而性猶有未復者而況於闕且廢哉此汝陽縣學之重興所以不容已也往者秀懷王開府於學東尋謂府隘且卑增拓而更構始毀學併其地時成化七年春也學廢而師生散行道者惻然而有司以開府事嚴走朝奔夕視學如弁髦棄不復顧提學副使天台陳公選士賢圖之謂汝寧太守大名張侯綸曰古者建國教學為先子衿城闕詩人所刺今汝

陽學廢蓋相與興之侯曰固已慮之矣敢奉命遂相地度基得之府學之右顧帑竭賦殫皆無從出迺以義倡之有國子生陳寧者一日餽五十金繼餽者繼屬爰市木瓦程工庸命汝陽令河間孫君晟董其役創大成殿五間東西廡各如其數中外門各三間殿後創明倫堂暨東西齋間數皆如殿而規制以次成矣堂後創師生寢舍及庖廩之屬總四十一間四周以垣乃收名師生釋菜而居之又以餘力重建府學明倫堂五間生舍四十間外建社學亦五間創始於七年秋間畢工於八年冬孟蓋陳公廉謹文雅為士民慕悅而張侯孫君皆賢且能故雖當窘冗之秋克成此久大之績也十年春陳公書來請記余許之無何罹憂竟未暇及秀懷即世今值崇王居其府陳公三人者先後皆以憂去武林錢侯鉞繼守汝寧今考績至京師過余曰汝陽縣學成已八稔堂之梁楠瓦甍有撓折

破缺者皆葺以新殿之丹雘有剝者亦飾以章外門舊用木柱且朽今易用石矣聞陳公嘗請先生記礮石待久記成未耶余曰未也吾過矣遂為之記惟建學以教復性固也今或師不以性教而生惟習文以決科干位則性不復道德不成矣天下民物無由而遂矣嗟乎天地卓立於終古煙霞變滅於斯須舉世皆知之矣性內也盡之亦天地也科位外也得之亦煙霞也人不力修其內而苦求乎外甘與煙霞同滅而不奮與天地併立何哉併書以告居學者

上蔡縣儒學

在縣治南始建未詳明洪武四年知縣楊允中重建成化八年知縣宗銑

修十三年縣丞上官祥嘉靖二年知縣傅鳳翔萬歷十年知縣王宗孟增修

皇清

康熙二十五年知縣楊廷望重建

確山縣儒學

在縣治東元至元間創建明洪武七年知縣張珪重建正統間提學僉事

曹璉檄縣修繕成化間知縣王廉丁時萬厯間知縣王士性郭佳鎮相繼修葺

皇清

順治七年知縣吳天壯十年知縣吳國杰重修

正陽縣儒學

在縣治東南明正德二年置縣知縣齊淵始建七年知縣張璽嘉靖間知

縣徐電重修

皇清順治十六年教諭彭如芝增修康熙二十五年知

縣趙楫重修

新蔡縣儒學

舊在縣治南元大德八年創建明洪武十一年知縣應宗毅重建天順間

教諭汪正言改建城外東隅嘉靖三十三年知縣朱茹徙建縣治南

皇清順治五年知縣鍾錫十三年知縣譚宏憲

增修康熙二十七年知縣呂民張重修

西平縣儒學在縣治東南始建未詳明洪武三年

清八年知縣王來厚二十年張寅崇禎五年開知縣

文孝知縣增修

遂平縣儒學在縣治東元大德間建後為兵燹所

知縣張鼎新重修

知縣張鼎新重修

明孟洋遂平縣儒學碑記

遂平縣學成朱通記

走二生於信陽請余記

生而謝故生曰遂平縣學歲久傾毀弗治無也監

案御史汪公以巡按至參政吳公僉事孫公以守

巡至至之三日謁夫子廟登堂視諸生業汪公曰
二公曰是何祀甚非吏所當務耶何弗之圖也二
公起曰茲在我二人退而定厥謀邑汝寧屬也謂
朱君為能俾尸事朱乃祇事其事庚辰閏八月癸
巳乃經營衰良任材新其舊益其所未備羣工咸
作衆制維則朱尋以職滿去經歷宋金代亦能厥
終越十二月壬辰工乃畢屹然壁映實為重門津
水瀦焉巍然崇奕然麗者夫子宮也兩旁翼如從
祀者之廡也直後有堂東西廂有齋序衆以居業
也曰厨曰庫具祀事也若舍若館止師生也貯經
史有閣致齋有所合饌有堂廩有舍射有圃堂棟
絡繹堯宇環次巍巍乎其偉觀矣曰侈乎曰無淫
技無珍飾奚侈然則陋矣曰既完且確何陋之有
厥費維何曰財出于公雖費莫知斂者民怨矣曰
用其力于隙矣孟洋闢而嘆曰善哉斯役遠四靈
矣春秋書工役惡其侈宣王考室斯干頌之苟財

不置民勞不窮力何傷乎宮室矧茲役也享功而
育才豈細故哉夫上知以下詳不待文而興遂平
久乏科第抑其作之者寡也嗚呼士自茲其無興
起者乎苟有興者斯役不徒舉矣汪公按信陽也
拔士之雋聚于別館厚廩頒給筆札俾肆力于學
孫公成之士益振從茲而觀諸公作斯文也豈獨
一遂平哉洋聞之君子當務為急三君子可謂急
當務也易曰不傷財不害民是役有之汪公名淵
字景顏上饒人吳公名江字宗岷德清人孫君名
孟舉字用之商河人二生者張閻魏卿其來請也
孫公命云

信陽州儒學

舊在州治東北隅始建未詳元末兵燹明洪武四年同知向師誠以州治

東舊信陽軍基改建成化十七年知州江貴增修
皇清順治六年副使陳聯璧重修

明劉吉信陽州儒學碑記

信陽州古申伯所封之地成化己亥金谿江侯

賁來知州事先是州為縣與信陽衛並處議者謂其地有三門之險雖設官守備縣秩差卑表裏弗稱乞陞州以羅山確山二縣來屬有詔從其請時成化乙未歲也然州雖改而學校亦多頽毀侯乃拓其旁近地鳩工掄材擇日而新之廟自大成殿兩廡戟門櫺星門俱恢其舊朱楹丹牖文彩炫目學自明倫堂講堂三齋杏壇射圃俱易其制而明倫以間計者增三為五高亢明爽人改其觀其他若宰牲有房貯器有庫會饌有堂儲廩有倉諸生落息有舍凡廟學之所有無一不備始於庚子落成辛丑民不擾而事集由經畫之有道也州人刑部主事張君鼎以記請焉予惟天下之治由於學校之興實在守令之得人若侯者深知輕重能以教化為務者也侯既務於教化則彼陶鎔於斯者

當何如哉必修其詩書禮樂之業盡其父子兄弟
夫婦之倫以探夫道德性命之奧俾鄉人有所視
效皆修其善行成其美俗而又階科第而糜祿秩
建勲業而留聲名俾國家得真材之用是兼體用
之全無負於侯作興之意庶斯舉不徒觀美而已
也夫侯亦由學校出者也亦將慕申伯之風借是
以全其體用之學
者予故樂為之書

羅山縣儒學

在縣治東北元延祐四年建後為兵燬明洪武四年知縣聞珪重建正統

九年知縣劉恒嘉靖間知縣侯之藩漢儲重修明

季兵燬

皇清順治四年知縣薛耳十一年知縣高楫重建康熙
二十五年知縣孫詒謀二十九年知縣魯麟相繼

葺修

河南通志卷四十二